

**Ured koordinatora za reformu javne uprave** (u daljem tekstu: Ured) Vrazova broj 9., 71 000 Sarajevo, kojeg zastupa koordinator za reformu javne uprave Doc. dr Dragan Ćuzulan ( u daljem tekstu: Kupac)

s jedne strane

i

**LANACO D.O.O. BANJA LUKA-KING ICT D.O.O. SARAJEVO**, koje zastupa ovlašteni predstavnik grupe ponuđača Nebojša Ninić ( u daljem tekstu: Prodavac)

s druge strane

zaključuju sljedeći:

## **UGOVOR O KUPOPRODAJI ROBA**

### **Član 1.**

(Predmet ugovora)

(1) Predmet ovog ugovora je nabavka i isporuka roba i usluga, odnosno nabavka i isporuka roba sa karakteristikama opisanim u tehničkoj specifikaciji, te implementacija svih aktivnosti koje su detaljno opisane u Specifikaciji za nabavku opreme i usluge razvoja novih softverskih rješenja u okviru projekta „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“, a koja je sastavni dio ponude ponuđača broj:P-01-7273/17 od 06.10.2017.godine.

(2) Kupac i prodavac saglasni su da prodavac izvrši isporuku i instalaciju roba sa karakteristikama opisanim u tehničkoj specifikaciji, te implementaciju svih aktivnosti detaljno opisanih u Specifikaciji za nabavku opreme i usluge razvoja novih softverskih rješenja koja je sastavni dio ponude ponuđača broj: P-01-7273/17 od 06.10.2017.godine, u ime i za račun Kupca, a u korist krajnjih korisnika Ministarstva za ekonomske odnose i regionalnu saradnju Vlade Republike Srpske i Generalnog sekretarijata Vlade Federacije BiH.

**Član 2.**  
(Cijena)

- (1) Ukupna vrijednost za robe i usluge iz člana 1. ovog Ugovora iznosi 301.621,32 KM (slovima:tristotinejednahiljadašeststotinadvadesetjedna i 32/100 konvertibilnih maraka) sa porezom na dodanu vrijednost (PDV).
- (2) Cijena roba i usluga iz prethodnog stava ovog člana uključuje:
- a) Nabavka, isporuka i instalacija specificirane opreme, te nabvka i isporuka licenci sa karakteristikama opisanim u Specifikaciji za nabavku opreme i usluga razvoja novih softverskih rješenja, a koja čini sastavni dio ponude ponuđača broj: P-01-7273/17 u iznosu od 138.996,00 KM (slovima: stotintridesetosamhiljadadevetstotinadevedesetšest konvertibilnih maraka).
  - b) Troškove nabavke usluga opisanih u Specifikaciji za nabavku opreme i usluge razvoja novih softverskih rješenja, u iznosu od 118.800,00 KM (slovima:stotinuosamnaesthiljadaosamstotina konvertibilnih maraka).
  - c) PDV za usluge iz tačke a) i b) ovog stava u ukupnom iznosu od 43.825,32 KM i popust u iznosu od 0,00 KM (ukoliko se isti odobrava).

**Član 3.**  
( Način plaćanja)

- (1) Kupac se obavezuje da će ugovoreni iznos za izvršene aktivnosti iz člana (1) ovog Ugovora, isplatiti Prodavcu na poslovni račun broj: 5550070000055353 kod Nova banka a.d. Banja Luka.
- (2) Plaćanja će biti izvršena u skladu sa Opštim uslovima ugovora i dinamikom izvještavanja predviđenom u Specifikaciji, odnosno početnim izvještajem projekta.

**Član 4.**  
(Realizacija Ugovora)

Aktivnosti iz člana 1. Ovog Ugovora će biti realizovane u skladu sa prihvaćenom Ponudom Izvršioca i elementima koji dodatno budu usaglašeni kroz početni izvještaj Prodavca, a koji se podnosi na odobrenje Kupcu, na način i u vremenu koji su utvrđeni Specifikacijom za nabavku opreme i usluge razvoja novih softverskih rješenja, usaglašenim početnim izvještajem Prodavca i u skladu sa Opštim uslovima Ugovora.

**Član 5.**  
(Mjesto izvršenja Ugovora)

Prodavac se obavezuje implementirati aktivnosti iz člana 1. Ugovora, odnosno nabaviti, isporučiti i instalirati robu sa karakteristikama opisanim u Specifikaciji za nabavku opreme i usluge razvoja novih softverskih rješenja, a koja je sastavni dio ponude ponuđača broj:P-01-7273/17 od 06.10.2017.godine, te realizovati usluge opisane u Specifikaciji za nabavku opreme i usluge razvoja novih softverskih rješenja, a koja je sastavni dio ponude ponuđača iz Priloga I ovog Ugovora i sadržaja Ponude Izvršioca na adresu institucija Korisnika, Ministarstvo za ekonomske odnose i regionalnu saradnju Vlade Republike Srpske (krajnji korisnik) i Generalni sekretarijat Vlade Federacije BiH (krajnji korisnik).

**Član 6.**  
(Način isporuke)

- (1) Obaveza Prodavca je da robu iz člana 1. ovog Ugovora isporuči na adresu institucija korisnika naznačenih u članu 5. ovog Ugovora, i da istu instalira odmah po isporuci.
- (2) Prodavac je obavezan u primjerenom roku, koji nije kraći od tri dana prije dana isporuke, pismenim putem najaviti institucijama korisnicama i Kupcu datum isporuke robe.

**Član 7.**  
(Obaveze prodavca)

- (1) Prodavac je obavezan obezbijediti sve organizaciono-tehničke pretpostavke za realizaciju predmeta ugovora u skladu sa zahtjevima Kupca, i iste realizovati prema uslovima iz Specifikacije za nabavku opreme i usluge razvoja novih softverskih rješenja, prihvaćenog početnog izvještaja i prihvaćene Ponude Prodavca.

- (2) Prodavac je obavezan izvršiti instalaciju i konfiguraciju svih hardverskih i softverskih elemenata sistema, koji su neophodni za puštanje sistema u operativni rad, pri čemu je korisnik dužan obezbijediti i osigurati podršku i sve tehničke preduoslove koji su potrebni implementatoru za instalaciju sistema i puštanje u produkciju.
- (3) Prodavac se obavezuje da obezbijedi cjelovitu pisanu garanciju na isporučenu opremu bez ograničenja u periodu od tri godine. Garantni period počinje teći od datuma potpisivanja primopredajnog zapisnika.
- (4) Prodavac je obavezan da nakon realizacije projekta, kao sastavni dio primopredajnih dokumenata, dostavi kompletan Izvorni programski kod za cjelokupni sistem, koji će korisnik neograničeno moći koristiti za buduće modifikacije i nadogradnje sistema.
- (5) Prodavac je obavezan korisnicima dostaviti detaljno korisničko uputstvo za rad sa sistemom. Pored korisničkih potrebno je obezbijediti i administratorsko uputstvo namijenjeno administratoru, sa detaljnim opisima svih administrativnih procedura, strukture i organizacije cjelokupnog sistema, strukture i svih elemenata baze podataka (opisi i uloga tabela, polja u tabelama, međusobnih relacija i sl.)
- (6) Prodavac je obavezan obezbijediti obuku za korisnike koji će održavati sajt (kreatori sadržaja i napredni korisnici), a prema zahtjevima navedenim u Specifikaciji za nabavku opreme i usluge razvoja novih softverskih rješenja. Edukacija će se vršiti prema lokaciji instalacije opreme.
- (7) Prodavac je obavezan isporučiti sve licence za softvere drugih proizvođača neophodne za hostovanje i implementaciju dinamičke Web stranice u skladu sa zahtjevima postavljenim u Specifikaciji za nabavku opreme i usluge razvoja novih softverskih rješenja.
- (8) Po završetku ugovora, Prodavac je dužan obezbijediti besplatno održavanje za izvršene usluge u garantnom periodu od 2 godine, a koje obuhvata korektivno održavanje što podrazumjeva ispravljanje grešaka u radu softvera i otklanjanje uzroka zastoja u radu. Pored toga Prodavac se obavezuje:

- da pruži usluge održavanja putem Service Desk-a, lociranog na teritoriji Bosne i Hercegovine, koji je u funkciji 24 sata, 7 dana u sedmici, telefonski, e-mail-om, u svrhu prijave i evidencije nepravilnosti (incidenata) u radu softvera od strane Korisnika, a u kojem će Korisniku biti na raspolaganju lica neophodnih stručnih kvalifikacija.

- da izvrši intervenciju u periodu ne dužem od 24 sata od e-mejlom poslanog zahtjeva od strane ugovornog organa ili prijema zahtjeva za intervenciju telefonom koji će izvršilac odrediti kao dežurni telefon, kao i da će početi otklanjati nedostatke u roku 24 sata nakon prijema zahtjeva za intervenciju. Intervencija treba da se izvrši za najviše 48 sati od vremena početka otklanjanja nedostatka, u skladu sa zahtjevima iz tačke 1.9. Specifikacije za nabavku opreme i usluge razvoja novih softverskih rješenja.

- (9) Po izvršenoj isporuci Prodavac će svakoj pojedinačnoj instituciji korisnici dostaviti tri originalna primjerka usaglašenog primopredajnog zapisnika za **opremu koju je isporučio** toj instituciji sa iskazanim finansijskim vrijednostima, uključujući navedenu tehničku i ostalu dokumentaciju za svaku pojedinačnu lokaciju isporuke. Originalni primopredajni zapisnici treba da budu identični sa elektronskim verzijama koje su usaglašene i trebaju biti potpisani i pečatom ovjereni od strane Prodavca. Prodavac je dužan Kupcu dostaviti primopredajne zapisnike za svaku lokaciju isporuke, odnosno instituciju u dva originalna primjerka nakon što budu potpisani od strane člana implementacionog tima, te sa potpisom i pečatom institucija korisnica odnosno njihovih odgovornih predstavnika za svaku pojedinačnu lokaciju isporuke opreme. Jedan primjerak primopredajnih zapisnika će se ostaviti na raspolaganju institucijama korisnicama radi uknjižbe u njihovim poslovnim knjigama.

Prodavac će svakoj pojedinačnoj instituciji korisnici dostaviti tri originalna primjerka usaglašenog primopredajnog zapisnika za **sistem koji je razvijen, instaliran i potpuno operativan u produkcionom okruženju** kojeg je isporučio toj instituciji sa iskazanim finansijskim vrijednostima sistema i sa svim eventualnim pripadajućim licencama, uključujući navedenu tehničku dokumentaciju (korisničko uputstvo za rad sa sistemom i administratorsko uputstvo namijenjeno administratoru, Izvorni programski kod za cjelokupni sistem, pisanu garnciju prema zahtjevima navedenim u Specifikaciji, Dokument testova korisničkog prihvatanja sistema i Zapisnika o izvršenim obukama) te ostalu dokumentaciju za svaku pojedinačnu lokaciju isporuke. Originalni primopredajni zapisnici treba da budu identični sa elektronskim verzijama koje su usaglašene i trebaju biti potpisani i pečatom ovjereni od strane Prodavca. Prodavac je dužan Kupcu dostaviti primopredajne zapisnike za svaku lokaciju isporuke, odnosno instituciju u dva originalna primjerka nakon što budu potpisani od strane člana implementacionog tima, te sa potpisom i pečatom institucija korisnica odnosno njihovih odgovornih predstavnika za svaku pojedinačnu lokaciju isporuke opreme. Jedan primjerak primopredajnih zapisnika će se ostaviti na raspolaganju institucijama korisnicama radi uknjižbe u njihovim poslovnim knjigama.

- (10) Prodavac je u obavezi da u toku implementacije projekta isporuči sljedeće izvještaje Kupcu:
- Početni izvještaj koji je potrebno podnijeti u roku 30 dana od dana potpisivanja ugovora a čiji će sadržaj biti dogovoren u početnoj fazi implementacije projekta u skladu s Općim uslovima ugovora i smjernicama za izvještavanje koje će implementatoru biti dostavljene po potpisivanju ugovora. Prodavac je u obavezi da u sklopu početnog izvještaja dostavi i GAP analizu (analiza trenutnog stanja, faze realizacije projekta i dinamika izvršavanja pojedinih faza itd),
  - Periodični izvještaj, koji je potrebno dostaviti u roku od 3 mjeseca od potpisivanja ugovora odnosno 2 mjeseca od datuma koji je utvrđen za dostavljanje početnog izvještaja,
  - Finalni izvještaj, koji je potrebno dostaviti po završetku projektnih aktivnosti, a najkasnije 15 dana od dana predviđenog za izvršenje ugovora .

### **Član 8.**

(Garancija za dobro izvršenje posla)

- (1) Prodavac je obavezan dostaviti Kupcu garanciju za dobro izvršenje posla u iznosu od (10% od vrijednosti ugovora sa uračunatim PDV-om) 30.162,13 KM (slovima: tridesethiljadastotinušezdesetdvije i 13/100 konvertibilnihmaraka) najkasnije 15 (petnaest) dana po potpisivanju Ugovora koja će glasiti na period od zaključenja ugovora do isteka ugovora + 30 dana (6 mjeseci + 30 dana).
- (2) Garanciju za dobro izvršenje posla potrebno je dostaviti u formi bezuslovne bankarske garancije.
- (3) Garancija za dobro izvršenje posla će služiti za pokrivanje svake štete i troškova koje Kupac može imati ukoliko Prodavac povrijedi Ugovor u periodu od zaključenja ugovora do isteka ugovora + 30 dana.
- (4) Pokriće iz garancije za dobro izvršenje posla ne oslobađa Prodavca odgovornosti sve do namirenja stvarne štete.
- (5) Kupac može u slučaju neispunjenja ili lošeg ispunjenja ugovornih obaveza od strane Prodavca realizovati garanciju za dobro izvršenje posla, nakon što Prodavca pisano obavijesti o propustima u realizaciji ugovornih obaveza i ostavi mu razuman rok za otklanjanje propusta.
- (6) Ukoliko Prodavac ne dostavi garanciju za dobro izvršenje posla u roku iz stava (1) ovog člana, ovaj Ugovor će se smatrati apsolutno ništavim shodno članu 72. stav 4. Zakona o javnim nabavkama BiH.

**Član 9.**  
(Sukob interesa)

Prodavac nema pravo da zapošljava, u svrhu izvršenja ugovora o javnoj nabavci, fizička lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, i to u periodu cjelokupne realizacije ugovora.

**Član 10.**  
(Porezi i carine)

- (1) Ukoliko Prodavac nema sjedište u BiH, obavezan je imenovati poreskog zastupnika do momenta potpisivanja ovog Ugovora koji će u njegovo ime izvršiti obračun poreza na dodanu vrijednost (PDV) za predmetne usluge iz člana 2. ovog ugovora i preduzeti druge radnje u skladu sa članom 8. Pravilnika o registraciji i upisu u jedinstveni registar obveznika indirektnih poreza („Službeni glasnik BiH” broj 68/16).
- (2) Prodavac i imenovani poreski zastupnik iz stava (1) ovog člana obavezni su dostaviti Kupcu svu dokumentaciju koja se nalazi u njihovom posjedu, a koja je potrebna kako bi Kupac mogao izvršiti povrat poreza na dodanu vrijednost (PDV).
- (3) Prodavac i imenovani poreski zastupnik iz stava (1) ovog člana dužni su pružiti punu podršku svim aktivnostima Kupca u cilju povrata poreza na dodanu vrijednost (PDV).

**Član 11.**  
(Izvještavanje)

- (1) Prodavac će podnositi izvještaje u vremenu i na način kako je navedeno u Specifikaciji za nabavku opreme i usluge razvoja novih softverskih rješenja i članu 7 Općim uslovima ugovora. Prodavac je obavezan da dostavi finansijske izvještaje prema formatu koji će mu ugovorni organ dostaviti po potpisivanju ugovora u skladu sa internim Procedurama upravljanja finansijama PAR Fonda.
- (2) Kupac zadržava pravo da u periodu pripreme početnog izvještaja sa Prodavcem dodatno utvrdi formu i detaljniju sadržinu pojedinih izvještaja koji se podnose u sklopu ugovora.

**Član 12.**  
(Vanredne okolnosti)

- (1) Kupac i Prodavac se neće smatrati odgovornima za kašnjenje u ispunjenju obaveza prema ovom Ugovoru, neposredno ili posredno, ako je zakašnjenje usljed više sile.
- (2) Pod višom silom podrazumjevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprečavaju jednu ili obje ugovorene strane u ispunjavanju preuzetih obaveza po ovom Ugovoru.

**Član 13.**  
(Struktura Ugovora)

Ovaj Ugovor obuhvata sljedeće Priloge koji su njegov sastavni dio:  
Prilog I: Specifikacija za nabavku opreme i usluge razvoja novih softverskih rješenja-Aneks 12 TD  
Prilog II: Ponuda broj: P-01-7273/17 od 06.10.2017.godine  
Prilog III : Opšti uslovi ugovora za projekte koji se finansiraju iz Fonda za reformu javne uprave

**Član 14.**  
(Rješavanje sporova)

Ugovorne strane će nastojati svoje eventualne sporove iz ovog Ugovora rješavati sporazumno, a ukoliko to nije moguće, onda u skladu sa članom 36. stav (3) Općih uslova.

**Član 15.**  
(Izuzeci od primjene)

Na ovaj Ugovor neće se primjenjivati član 19. Općih uslova.

**Član 16.**  
(Primjena drugih pravnih propisa)

Za sve što nije regulirano ovim Ugovorom primjenjivat će se Zakon o obligacionim odnosima.



**Član 17.**

(Stupanje na snagu i period izvršenja ugovora)

Ovaj ugovor stupa na snagu danom potpisivanja od strane ovlaštenih osoba ugovornih strana i izvršit će se u roku od 6 mjeseci od dana zaključenja ugovora.


**Član 18.**

(Završne odredbe)

Ovaj Ugovor je sastavljen u četiri jednaka primjerka, od kojih svaka ugovorna strana zadržava po dva primjerka.


U Sarajevu, dana 12.12.2017.godine  
Broj: 04-07-2-174-1/17

KUPAC:



A handwritten signature in black ink is written over a horizontal line. To the right of the signature, there is a faint, circular stamp or seal, which is mostly illegible due to its lightness.

PROĐAVAC:



A handwritten signature in black ink is written over a horizontal line.